

恭
民
極
稿

十
五
卷

光緒甲申夏平湖徐惟琨題

序

癸巳類稿一書風行海內久矣曩於都中友人處見有殘缺不全之未刊續編頗以未窺全豹爲憾近閱張香濤先生書目答問乃知所謂續編者係名存稿業已刊入連筠簪叢書然購諸書肆杳不可得緣其書刊自山右兵燹後板之存否未可知也

壬午夏閒李君輝亭

宗熹

以書來云此存稿現於謝君和庵

永

泰處借得鈔本擬捐資付刊以廣流傳囑卽於武林代覓手民

李君與理初先生同里謝君又適宰是邑故有是舉竊幸是書之幾於無傳者今遇謝君之蒐羅散佚又有李君之慨捐鉅資得以流播無窮洵快事也奈原本輾轉傳鈔頗多譌錯幸經程君伯敷

鴻詔

點勘改正然其中疑義尙多且或引書較僻考核

爲難念會垣中藏書最富者無過於丁松生先生家因介褚君

敦伯借得連筠籀刊本與四兒

詒慶

反復讎校得資訂正其鈔

本中積精篇刊本已刪澳門記畧跋一篇已見類稿茲亦一併

刪去此外零星數條刊本所未收者仍照鈔本補入其舉報鄉

賢事實十餘條亦增刊於卷首計自去秋開雕迄今夏竣工厯

經張君忻木

王熙

吳君子修

慶坻

程君棣華

際唐

褚君敦伯

成

煒

詳校再三雖亥豕魯魚仍恐難免然以視連筠籀本已覺較

爲完善至其學行本末則原刻張序已謂詳於類稿程序中茲

更可不贅矣故於其刻之成也特識其緣起如此時

光緒拾年皋月禹航姚清祺序

癸巳存稿原序

癸巳存稿者黜俞君理初於道光十三年編刻平生所爲文題曰癸巳類稿而以未刻者總寫成秩緣其初名存以備散佚云爾先是壬辰冬理初館新城陳碩士侍郎所爲校顧氏方輿紀要穆一再過之頗多請益理初賞之曰慧不難慧而能虛虛而能入爲難因與訂交然理初年長於穆者倍穆禮事之尊爲先生不敢與齒也越年春儀徵太傅主會試

命下諸鉅公輒相與賀曰理初入彀矣聞文出穆爲效寫官之役經義策問皆折衷羣言如讀唐人正義馬氏通考而汰其繁縟也榜發竟報罷已而知其卷在通州王菽原禮部房禮部固力薦之而新安相國深嫉迂誕之學捆束置高閣儀徵初未之見也後十年穆謁太傅於邗上太傅爲述此事猶扼掣太息有

餘恨云禮部旣得理初則大喜延入邸中索觀所著書爲釀金
付雕於是天下始得讀所謂癸巳類稿者向使理初倖獲一第
其自爲謀亦不過刻書而止所惜者

國家失此宏通淹雅之材耳理初足跡半天下得書卽讀讀卽
有所疏記每一事爲一題巨冊數十鱗比行篋中積歲月證據
周徧斷以己意一文遂立讀其書者如入五都之市百貨俱陳
無不滿之量也然細字密書公增乙跨稿草襍積粹不可讀當
議刻類稿之時發篋攤書几上屬日照許君印林及穆爲檢之
擇其較易繕寫者得如千篇分類排次以付梓人前所刻十五
卷是也及類稿旣竣賣其書稍有餘資乃覓鈔胥爲寫未刻之
稿又得尺許卽今所刻是也理初方年二十餘負其所業北謁
孫淵如觀察於兗州時觀察旣爲伏生建立博士復求左氏後

裔理初因作左丘明子孫姓氏論左山考左墓考申雜難篇觀
察多采其文以折眾論而理初陳古刺今之識亦由是日益堅
故其議論學術與觀察恆相出入也顧以家貧性介知其學者
寡奔走道塗四十年縞紵餘潤不足贍妻孥年逾六十猶不能
一日安居遂其讀書著書之樂也歲戊戌以公車在都穆自西
來將南游暫事羈棲與朝夕見殆將百日始別去而理初留滯
會邸至十月碩士侍郎之公子淮生假以資斧乃得南歸復相
遇於泰州道中因與偕謁祁涪甫學使學使厚飲之約其春初
復來己亥正月理初果相訪於江陰未弔月余隨輶車北渡歷
試徐海諸郡遂由淮安入都而理初留江陰縣署爲學使校寫
三古六朝文目及此存稿副本七月學使邀赴金陵言於制府
聘掌惜陰書舍教惜陰書舍者陶文毅所特設以課諸生古學

也地據城西高阜江流一綫浮浮目前致爲幽勝脩脯所入亦較優贍余聞之喜以爲此足抵理初晚節菟裘矣乃次年五月遂卒於書舍中書生薄祜至於此極可爲索歛矣其年冬學使還朝余從假得存稿副本又越七年丁未刻入楊氏叢書放類稿例亦釐爲十五卷中多引申未竟之作不復刪惟積精篇纒纒萬餘言爲理初極用意之作穆以爲非後學所能遽解也則汰去之夫以理初之學之年覈其箸錄歲月多在小子未生以前顧不以爲庸陋忘年折節引爲同志此意何可忘也至其學行本末則類稿程春海侍郎兩序詳言之茲不復綴云

道光二十九年五月夏至日平定張穆序

皇清敕授文林郎已故舉人揀選知縣俞公崇祀鄉賢事實十八條

一該故舉人揀選知縣俞正燮安徽黟縣民籍道光辛巳科由附監生中式第一百十五名舉人生於乾隆四十年乙未歿於道光二十年庚子卒年六十六歲

一該故舉人俞正燮父獻以拔貢任句容縣訓導該舉人隨父之官時方冠侍養外惟以讀書爲事父獻學俸所入盡給爲買書費積軸萬卷過目成誦嘗與句容王喬年同撰陰律疑實時稱爲窮理盡性之書

一該故舉人俞正燮至性孝友侍養學署飲食必先嘗味不正者不敢進時季弟正禧尙穉日坐諸膝教之讀書舉古忠孝廉節諸事詳爲講解正禧後中道光丁酉科十三名

及巳存稿
舉人以名孝廉稱

一該故舉人俞正燮秉性直方言動不苟巖巖之概鄉邑望而生敬及誘掖後進霽色和聲亹亹不倦有忿爭者得該舉人一言輒解武暴者聞風慚避鄉邑之士薰德多所成就

一該故舉人俞正燮凡遇有關教化之事力任弗辭嘉慶庚午歲邑建碧陽書院成該舉人勸捐膏火費計金萬數知縣吳甸華擬與在事出力諸人並刊名於石該舉人堅辭不居吳知縣弗能強也

一該舉人俞正燮道光丙戌歲邑建考棚該舉人勸捐鉅款旋游京師不居其功知縣呂子珏稱其樂善忘名雅量

一該故舉人俞正燮道光年間議修

文廟該舉人首倡捐金與修

大成殿後俞氏族祠傾塌該舉人獨力修理並定族規族人守其遺訓士農工賈各執一業迄今無爭訟公庭者

一該故舉人俞正燮家不中資名公卿所贈脩脯費盡濟友戚族鄰之急嘗值歲除索逋者紛至時錢塘王蔭森任黟縣知縣有惠政深於經學適就該舉人考訂疑義窺知其事密令隨丁率索逋者赴縣領給仍就燈火前講論不輟士林傳爲美談

一該故舉人俞正燮天姿英敏讀書一過終身不忘凡地人名稱事蹟本末見某處某冊某篇行悉能記憶無差偶有所作蒼萃羣書以意貫穿走筆立就如錄宿搆治經以漢儒爲宗謂秦漢去古不遠師說相承可信者多每解一義

依經爲據有脫誤始取證於秦諸書漢諸儒以衷至是而又不纏牽於注疏亦不離畔於訓詁凡箋注訛句脫字亦必一一更改添注經生家莫不服其精確而於史書及諸子百家九流等說剖析疑似俱載於類稿存稿中誠無愧博雅君子

一該故舉人俞正燮爲道光辛巳典試湯金釗熊遇泰所得癸巳春闈受知於分校官王藻亟索其著作時有類稿三十卷程恩澤爲定其篇目王藻爲加校正商諸孔繼勳邱景湘吳林光醵金刻於京師正集凡十五卷王藻程恩澤均有序題曰癸巳類稿記是書輯成於癸巳也外有癸巳存稿十五卷現本縣人李宗媚出資在浙城刊刻別有四

養齋詩三卷弟正馥子懋麟刻於黟程鴻詔跋後外說文

部緯各一卷校補海國記聞二卷咸豐年間遭兵燹稿被焚

一該故舉人俞正燮在京師時前給事中葉繼雯承修會典聘該舉人勦其事文案山積披閱一過遂已瞭然州居部分源流井井刻期告竣及葉繼雯讀類稿時大雪忘寒盡三晝夜並服其才稱其忠信廉介文行兼優

一該故舉人俞正燮嘉慶庚午歲前黟縣知縣吳甸華纂修縣志適該舉人北歸延爲總纂全書多出其手證訛補闕體例精嚴卽今所刻黟縣前志是吳甸華序其文集稱其於經義異同徵引該洽多所發明

一該故舉人俞正燮心精力果文章敏捷海內文學之士羣以著述相延手成官私鉅書如

欽定左傳讀本行水金鑑及前果勇侯楊芳六壬書多該舉人
一校正不肯署名

一該故舉人俞正燮道光乙未歲前兩湖總督林則徐修兩
湖通志聘爲總纂書成典博詳明時稱得體丁酉復爲林
則徐參訂先人舊稿

一該故舉人俞正燮前大學士祁雋藻器重其品學贈額曰
經師人表

一該故舉人俞正燮道光丁酉歲前兩江總督陶澍聘爲江
甯惜陰書院山長昌明經史之學裁成後進一時質疑問
難者軫履相錯所謂誨人不倦者庶乎近之

一該故舉人俞正燮品學兼優詳載縣三志儒行門並見安
徽通志儒林傳其交際實行見俞氏家乘及故老傳並並

非空言譽美

一該故舉人子懋瑩懋穎均故無後係親支之子承嗣並無仕至九卿者

一該故舉人俞正燮卒於道光二十年庚子距今光緒九年癸未計歿已四十四年查與新例凡入名宦鄉賢者須俟其人身歿三十年方准具題核辦相符理合聲明

右事實十八條係黟邑紳士孫錫章胡朝賀等舉報鄉賢時所開具者現由黟縣學教諭徐君雲衢

人驥

錄寄因附

刊於此

禮部謹

奏爲議覆名宦鄉賢事禮科抄出前安徽巡撫裕祿等疏稱
已故舉人俞正燮性真純樸學術淹通請入祀鄉賢祠奉
旨該部議奏欽此欽遵抄出到部查例開崇祀名宦鄉賢該督
撫學政每年八月前具題並將事實冊結送部詳覈於歲
底彙題又崇祀名宦鄉賢應確核事蹟倘名實不能相副
及僅以人品學問空言譽美者卽行指駁又入祀鄉賢該
督撫學政當確加查覈實係品行端方學問純粹者方准
題請其有僅稱樂善好施並無經術文章足爲士林矜式
者不得率行籲請以杜冒濫各等語又光緒五年奏准嗣
後各省名宦鄉賢須俟其人身歿已及三十年方准題請
等因在案今該撫送到事實冊內開已故舉人俞正燮安

徽黟縣舉人親疾侍奉湯藥衣不解帶親歿哀毀幾至成疾喪葬盡禮族祠傾圯嘗獨力修葺捐田供祭祀費更酌定祠規族人奉爲圭臬至今俞氏子孫無有爭訟公庭者嘉慶己巳歲穀不登族黨買食益艱首倡捐穀米貧乏者賴以資生又嘗創立義學文會爲族中子弟肄業邑人籌建碧陽書院偕衆勸捐資至累萬延請山長生童肄業者以生息月給膏火又倡議捐修

文廟捐建考棚捐建節孝祠至於置購瘞地掩骼埋胔修橋治塗其善狀不可枚舉生平踐履篤實沈酣經史及諸子百家其講學以廉洛關閩爲宗爲文擬漢魏六朝之祕每涉蠟所得筆之於書考證成帙著有癸巳類稿四養齋詩集等語臣等公同查覈所有已故舉人俞正燮題請入祀鄉

賢祠之處係屬名實相副身歿年限亦屬相符擬請准其
入祀鄉賢祠恭俟

命下

臣

部行文該撫遵奉施行所有

臣

等遵議緣由謹援照成

案改題爲奏爲此謹

奏請

旨

光緒十年十二月十三日具

奏本日奉

旨依議欽此